

841. *NASONIA punctata*, Lindl. gen. nov. Vandearum, Centropetalo affine.—CHAR. GEN. Sepala patentia ; lateralia connata. Petala conformia, æqualia. Labellum liberum, cum pede paullo producto columnæ articulatam, medio constrictum et appendiculatum. Columna erecta, basi teres ; clinandrio longissimo erecto margine petaloideo cincto. Anthera unilocularis, apice longissima, cum columna parallela ideoque decurva. Pollinia 2, solida, sphærica, caudiculæ longissimæ diaphanæ subulatæ apice affixa ; glandula ovata. Rostellum breve, bifidum.—*N. punctata*. Herba 3-4-pollicaris, ebulbis, epiphyta, foliis distichis carnosis canaliculatis recurvis. Flores terminales, fasciculati, foliis cincti, verosimiliter rosei, violaceo-punctati. Ovarium 3-alatum. Sepala carinata ; lateralia apice libera. Petala oblongo-lanceolata. Label- lum basi cuneatum, medio constrictum, apice rotundatum, ap- pendice concava emarginata retrorsa. Nomen a naso, ob an- theræ formam quæ columnæ quasi nasus.—In montibus El Sisme.